



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-34096-1.1/21  
Sarajevo, 16.09.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/16 - Novi prečišćeni tekst i 37/14 - Ispravka) Vlada Kantona Sarajevo, na **41. sjednici održanoj 16.09.2021. godine**, donijela je

## ZAKLJUČAK

1. Prihvata se Izjašnjenje Ministarstva komunalne privrede, infrastrukture, prostornog uređenja, građenja i zaštite okoliša, broj: 05-04-25258-22/21 MG od 30.07.2021. godine, na zastupničku inicijativu zastupnika u Skupštini Kantona Sarajevo Seada Milavice, postavljenu na 38. Radnoj sjednici Skupštine Kantona Sarajevo, održanoj 08.07.2021. godine, a u vezi sa formiranjem stručnog tijela na nivou Kantona Sarajevo koje bi vršilo verifikaciju lokacija privatnih, stambenih i drugih objekata koji u svom sastavu sadrže azbest cementni materijal opasan po život građana.
2. Izjašnjenje iz tačke 1. ovog zaključka dostavlja se Skupštini Kantona Sarajevo.

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
6. Stručna služba Vlade Kantona Sarajevo,
7. Evidencij,
8. A r h i v a.




web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



03.07.21  
u 14,00h

1214  
PB-82

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure,  
Physical Planning Construction and  
Environmental Protection

Broj:05-04-25258-22/21 MG  
Sarajevo,30.07.2021.godine

**VLADA KANTONA SARAJEVO**  
n/r Sekretara Vlade

**PREDMET:** Odgovor na zahtjev za izjašnjenje na zastupničku inicijativu zastupnika Seada Milavice

Dana 26.07.2021.godine dostavili ste ovom Ministarstvu zahtjev za izjašnjenje na zastupničku inicijativu zastupnika Seada Milavice.

Zastupnik Sead Milavica na nastavku 38. Radne sjednice Skupštine Kantona Sarajevo, održane dana 08.07.2021.godine, u okviru tačke dnevnog reda „Poslanička/zastupnička pitanja, inicijative i odgovori”, pokrenuo je slijedeću zastupničku inicijativu:

„Pokrećem inicijativu prema Vladi Kantona Sarajevo da se oformi stručno tijelo na nivou Kantona Sarajevo koje bi vršilo verifikaciju lokacija privatnih, stambenih i drugih objekata koje u svom sastavu sadrže azbest cementni materijal opasan po život građana, sa ciljem stvaranja podataka radi daljih planiranja aktivnosti.”

Obrazloženje:

Imajući u vidu da je članom 35. Pravilnika o građevinskom otpadu („Službene novine Federacije BiH” broj 93/19) predviđeno da jedinice lokalne samouprave imaju obavezu prikupljanja podataka o azbestu, te iste trebaju dostaviti Fondu za zaštitu okoliša FBiH u roku od godinu dana od dana objavljivanja pravilnika, primijećeno je da jedinice lokalne samouprave imaju problema prilikom realizacije navedenih obaveza, i to najčešće zbog nedostatka specijaliziranog osoblja koje može prepoznati materijale koji sadrže azbest.

U cilju prevazilaženja navedenih teškoća neke od lokalnih samouprava iskazale su interes da se oformi stručno tijelo na nivou Kantona Sarajevo koje bi vršilo verifikaciju prijavljenih lokacija kako bi se došlo do stvarnih podataka koji bi se mogli koristiti u daljem planiranju aktivnosti u cilju uklanjanja azbesta.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax:+ 387 (0) 33 562-177  
Sarajevo, Reisa Džemaludina Čauševića 1



## IZJAŠNENJE:

Pravilnikom o građevinskom otpadu („Službene novine Federacije BiH“ broj 93/19) definisana je obaveza jedinica lokalne samouprave (gradova i općina) da upute poziv putem sredstava javnog saopštenja ili na drugi odgovarajući način, vlasnicima odnosno korisnicima građevina u kojima se nalazi azbest, od njih pribave podatke o lokacijama i dostave ih Fondu za zaštitu okoliša Federacije BiH.

Vlasnik/korisnik građevine dužan je redovito pregledati dijelove građevine koji sadrže azbest, kako bi utvrdio da li usljed oštećenja ili dotrajalosti dolazi do izdvajanja azbestnih čestica i po potrebi poduzeti mjere održavanja, a kad odluči da se dotrajali dio građevine koji sadrži azbest više ne popravlja, osigurati izdvajanje azbesta iz dijelova te građevine na način da se spriječi raznošenje azbestnih vlakana izvan građevine.

Nakon objave javnog poziva, vlasnici dostavljaju općini opis objekata za koje postoji pretpostavka da sadrže azbest. Sadržaj i obim podataka je propisan od strane Fonda za zaštitu okoliša Federacije BiH. Ako vlasnici sumnjaju da imaju azbest u objektu, čak i ako nisu sigurni, bolje je pretpostaviti da ima azbesta i objekat staviti na listu.

Dakle, naglasak treba biti na odgovornosti vlasnika/korisnika građevine, koji imaju obavezu da dostave informacije. U tom smislu, potrebno je da općine što prije objave javni poziv, da daju dovoljan rok vlasnicima, odnosno korisnicima građevina da prijave informacije o ugrađenom azbestu, te da prikupljene podatke dostave Fondu.

S obzirom na to, da je utvrđivanje prisustva azbesta obaveza vlasnika, odnosno korisnika građevina, formiranje stručnog tijela na nivou Kantona Sarajevo koje bi vršilo verifikaciju lokacija objekata koje u svom sastavu sadrže azbest, nije od prioritnog značaja sa aspekta očekivane pomoći općinama, u ovom momentu.

Ukoliko se, nakon prve faze prikupljanja podataka, pojavi potreba za dodatnim analizama i testovima, iste je potrebno raditi putem ovlaštenih stručnih institucija i laboratorija, te po potrebi izvršiti verifikaciju podataka, s ciljem planiranja daljnjih aktivnosti.

S poštovanjem,

Enver Hadžia.



Dostaviti:

- Naslovu
- Evidencija
- a/a



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1

